

文苑英華卷第四百二十六

翰林制詔七

赦書七

禋祀赦書三

貞元九年冬至大禮大赦天下制

陸贄



門下朕以寡德屬當大統皇天眷祐俾主兆人懼不克承  
 夙夜祗畏緬慕前列致于昇平予心浩然罔知攸濟小大  
 之務曷嘗不勤蒞蕘之人亦莫不敬慮每存於致理忠恒  
 在於恤人中宵屢興終食累嘆一事乖弛詔令作當怒焉疚懷  
 一夫罹殃惻若傷體思於海內同臻太和息其戰爭保其  
 生業降心從衆實匪有詔令作靡有辭克已利人誠無所  
 恡然以視聽有極思慮難周况乎長自深宮安於近習損

益之理寧免過差幽遠之情固多未達由是兢兢砥礪悔  
 往修來燭理所患於不明推心庶幾於無負日慎一日于  
 今十有五年矣上靈降鑒多士叶誠五稼屢豐四鄙不憂  
 方鎮輯睦干戈底寧邊壘繕完殊方款附協天地會昌之  
 運實宗社無疆之休慶既荷於玄功禮有昭於大報矧惟  
 霜露之感永切孝思禋燎之儀每勤精意將申誠敬其在  
 躬親是與公卿大夫虔奉犧牲恭奠珪璧陳其文物薦其  
 馨香類秩集作秩記於太壇朝享于清廟率職來助萬邦攸同  
 備物致嚴百禮具舉誠慕獲展神人允諧明發永懷慶感  
 斯集純嘏所錫豈惟朕躬思俾普天均承惠澤可大赦天  
 下自貞元九年十一月十日昧爽已前云其見於官司

辨對者亦並集作便與免官人犯贓不可令其却上已後勿  
 以為累左降官及流人并量移云竄謫遐裔冀速霑恩  
 比者準制量移所司皆待申牒屢加盤覆累涉歲年既甚  
 淹遲且不均一宜令吏部刑部審細檢勘本流貶及量移  
 勅旨比類元犯事狀輕重兩月內與處分内外文式云  
 從我巡符涉於艱難錄其忠勞宜有優異應從奉天扈從  
 至興元府文武官將士等普恩之外三品已上賜爵云  
 兵興已來垂四十載稅額集作既煩重人已集作多困窮因之  
 以流離加之以凍餒為人父母實切哀傷誠由德化未敷  
集作耗斲猶廣每欲蠲復使集作與之小休迫於軍儲有意  
 未就姑示勤恤減其田租惠貸非多良深憫愧天下百姓

貞元十年地租斛斗應合度支收管者宜並三分減收一分如當管無屬度支斛斗即減放合送上都十分之一其所放斛斗錢物並委巡院官與觀察經畧等使計會審勘定數分明榜示百姓仍具申奏去年以來所有貸糧種子並存百姓腹內者一切放免富國集作裕安人在於薄歛必不得已簡則易從自頃削去煩苛定為兩稅既無他撓集作擾頗便於時朕推誠御人所貴在集作存信保此成法期於不踰九百有司所宜遵守儻求取無節則因緣起集作啓姦獲利失人殊乖朕意諸司諸使及諸州府除兩稅外別有科配悉宜禁絕近年以來因和市和糴欠負百姓錢物並即填還已後官司應有市糴者各須先付價直不得賒集作賒

先取抑配因茲歛怨擾人水旱為灾古人集作吟不免苟有豐蓄集作備則無凶年間屬多虞里閭凋耗如務求於日給不遑慮於歲儲一穀不成人則艱食害至而救其傷已多俾無餒殍之憂將在備之而已宜委諸州府長吏每年以當管廻殘餘羨錢物穀賤時收糴各隨便近貯納年終具善集作早有無多少報中書門下兼申考功以為考課升降如有替代各分明交領準前申報若遇灾異集作早不稔即量事給與集作賑給百姓輒有集作轍將充諸色用者以枉法贓罪之其勸課百姓自置義倉仍準貞元元年十一月十一日制處分立人之道惟孝與忠孝莫大於榮親忠必先於竭節惟爾師長鄉集作鄉校洎乎方岳列藩保乂皇家交修庶績竭

節之效既昭乃誠榮親之恩宜洽國典應内外文武清望  
職事官并節度觀察都防禦團練等使父在未有官量授  
檢校五品官母在未有邑號者各封集作邑號云佐運

之臣納忠之輔功既存於社稷慶宜及於子孫故周錫土

田漢傳帶礪膺集作其爵邑與國始終固以明報德之恩

勸為臣之節詔令其或年代未遠利澤猶存詞宇已變於

荒墟胤嗣不編于集作仕籍思其人猶愛其樹况莫享之

主而不加省錄者乎興滅國繼絕代所以禮先賢也脩宗

廟敬祀事所以教追孝也化俗歸厚此其大綱集作應九

廟配享功臣及武德以來將相名節特高有封爵廢絕祀

廟無主者宜許以子孫一人紹封以時享祀自今集作以來

後應有家廟子孫但傳襲封爵者並許享祔于集作廟其

有毀賣私廟及買之者各以犯教義論自古聖帝明王忠

臣烈士各令所在長史以禮致祭書叙明目達聰垂拱而

理詩稱濟濟多士文王以寧捨已從人故能通天下之志

弃瑕錄用故能盡天下之才昔在太宗勤求理道納諫如

響任賢勿疑致裕於太平垂範於永代朕獲承鴻緒追慕

集慕聖猷書之座隅恒自儆勵朝夕翹想集作聞嘉謀集作

夢寐勞集作懷思得良士凡厥在位所宜共成集作宜集作諸

司官有陳便宜者各盡所見條疏封進事有寬滯政有關

遺悉當極言無或隱避詔勅不便於時所司執奏以聞天

下有蘊德懷才隱居不仕委所在觀察使表荐當以禮邀

下

致諸色人中有賢良方正能直言極諫或博通墳典達於教化或詳練故事長於著述或精習律令曉暢法理或該明吏術可委理人或識洞韜畧堪任將帥委所在州府長吏及臺省常參官詳錄行能舉奏仍牒報吏部其所舉人並限來年七月內到京朕當親試應緣大禮職掌行事並與加恩主者施行

長慶元年正月三日南郊改元赦文 編制

門下朕聞自昔盛王之所以合天地諧神人莫過乎誠敬致其誠展其敬莫重於祭祭之大者莫大於郊廟故必躬行而心奉之然後百靈助慶萬國家福此帝王之孝也我國家祖宗功德立極配天日月所照雨露咸被孝思善繼

聖敬允升郊丘歲奉於嚴禋宗廟時修其明薦朕以冲昧自獲纘承仰荷睠命懼不克享幸天多祐俾歲大穰河朔底寧邊封靖謐及此元日至于上辛式遵典禮有事郊廟當祗見之夕感慕增懷洎大報之辰誠敬彌勵因體元而紀號用敷化以覃恩可大赦天下改元和十六年爲長慶元年自長慶元年正月三日昧爽已前大辟罪已下罪無輕重已發覺未發覺已結正未結正繫囚見徒咸赦除之惟故殺人在十惡內者及官典犯贓不在免限左降官量移近處已經量移者更與量移如復資者即任便赴選集丁憂去任服闋日亦與量移如有親故在者都任於所司陳狀便與處分不必更待本州府申請如準前制已合量

移有司未註擬者並任累敘并別勅因責授刺史已下降  
資正員官亦與進改亡官失爵放歸不齒者量加收叙流  
人未到所在及已到者與量移近處已量移者并放還僧  
尼道士移隸者亦與量移近處并得罪人已亡歿家口未  
放歸者一切放歸如有情愿住者亦任左降官及流人先  
有官者如已亡歿各還本所詔令自今日已前所有痕累  
禁錮及反逆緣坐等一切並與洗滌其左降官及流人如  
所坐之罪本因犯賊到任及所配處未經二年者不在量  
移其天德軍流人滿十年即放廻其糧賜委防禦使便別  
召人充補營田驅使朕自君臨萬寓常思子惠群生每念  
困窮猶勞杼軸宜加恩於寰海用蠲賦於齊昨天下百姓

今年夏稅每貫放一百五十文底貢之宜本於任土阜財  
之道亦在使人天下州縣應徵科兩稅權酒錢內舊額須  
納見錢數者並任百姓隨所有疋段及斛斛依當處時價  
詔令送納不得邀索見錢度支鹽鐵戶部應納茶稅及諸  
作估色見錢兼糴鹽價中舊額須得詔令見錢數者亦與納時  
估疋段及斛斛其輕貸即充上供雜物當處支用如情願  
納見錢者亦任穩便求為常式京城坊市聚貨之地若物  
無集處即弊生其中宜委度支鹽鐵使於上都任商人納  
權糴諸道監令在城疋段各有所入即免物價賤於外州  
仍委所司具條疏聞奏其公私便換錢物先已禁斷宜委  
京兆府及御史臺均加覺察理財正辭弊必除於既往蠲

逋已責禁方絕於將來應度支鹽鐵戶部三司所管諸官  
 吏所由人戶等欠負元和十三年已前諸色錢物斛斗等  
 各委本司盡理勘實如是貨疑作易估招入已隱欺即準  
 條處分如緣收貯年深盤覆欠折水火沉蕪保累剝微并  
 緣用兵之時所在貯備雜物準擬軍需及賊平之後不堪  
 上供勒令廻變因有損折如此之類除檢責家產及攤徵  
 元保外如實無可納空掛簿書連年囚禁者宜令各具色  
 目聞奏並與踈理其諸軍諸使應有欠負亦準此處分天  
 下兩稅外不得雜詔令有差率刺史若詔令違越委觀察  
 使舉奏觀察使或有事乖格勅刺史不得接受已有前勅  
 宜重申明仍委御史臺嚴加訪察不得妄稱供應及軍府

補迫捍禦疆陲必先財力使其節用方可實軍訪聞邊上  
 諸鎮比緣使臣所到或私申饋潛耗資儲假此為辭因而  
 積弊將令完緝功在立程應京西京北邊上諸軍州鎮自  
 今已後如有中使及即官御史奉使到所管並不得與人  
 事比部令勾諸司錢糧詔令無穀載在格令其事訛謬歲  
 月已深宜令中書門下精擇比部即官修舉典制勾諸司  
 錢穀仍立時限具條疏聞奏山河之固險易不常疆理之  
 間廢興從便今干戈已戢寰宇大同壤制之宜所資垂久  
 應諸道諸州及諸縣宜委中書門下審商詔令無量制置  
 其州縣兼委觀察使刺史量閑劇利便可併省者具事宜  
 聞奏河北諸道管内自艱難以來久無刑法各隨所在徵

歛不時色日至多都無藝極宜委本道觀察使勘實據桑  
 產及先各徵配量輕重團定兩稅務令均濟其刺史已下  
 俸料仍據州縣戶口徵科多少并職田祿粟作等第河南  
 諸州府例條疏分拆聞奏如聞河南北州縣凋殘戶口未  
 復官員備設曹局至聞或非其才徒費其祿其縣州官各  
 據都邑大小量公事多少番置餘並權停仍先於久經假  
 攝才行彰著人內選擇委觀察使訪察勘實各具前後歷  
 攝勞考約前銜資序便與正授如先無官者以假攝年深  
 課績尤異各具事績聞奏委中書門下類例如資序或未  
 相當且令權知兩考候有政能即與正授其見在正官多  
 是流外遠不任公事切宜揀擇堪番者全給課科使其盡  
 心合減省者並勒停罷仍擬已得資常選之內與減兩選  
 未得資者任以前銜便放選集仍各銜申牒有司自今已  
 後委吏部切加揀擇量才比擬所冀惠政及於疲人應諸  
 道管內百姓或因水旱兵荒流離死絕見在桑產如無近  
 親承佃各委州縣切加檢實據桑地數具本戶姓名申本  
 道觀察使於官健中取無莊園有人丁者量氣力可及據  
 多少給付便於公驗任充水業不得令有力職掌人妄為  
 請射其官健仍量借貸種糧分番上下各任營農放三年  
 差詔令稅年限滿後據桑地準例團定合當下番營農者  
 停給月糧其衣物賜及雜賞給並如舊應天下典人庄田  
 園店便合祇承戶稅本主贖日不得更引令式云依私契

欽定四庫全書  
 卷一百一十五  
 宋倫



徵理以組織貧人天下權酒錢有已分配百姓處又別置  
酒店官酤及諸色權率宜切禁斷應亡官失爵及放還流  
人如有先庄田不經沒官被人請射作詔令主及子孫到  
並委州縣却還務令安業州主牧宰職在親人其有徭賦  
不均流庸未復刑罰不中教化未行必當分命使臣大明  
黜陟三代致理皆重學官兩漢用人蓋先經術天下諸色  
人中有能精通一經堪為師法者委國子祭酒訪擇具以  
各聞將加試用稱成康之盛則舉措刑讚文景之德亦言  
斷獄况自文祖太宗皇帝親錄囚徒躬省冤滯法官所選  
豈易其人其大理寺官屬比來吏部所授多非其才宜令  
精選詔令有志行詞學兼詳明法律注擬其有課績特殊

堪在朝獎者臺省官有闕宜先選擇詔令部符共理按部分臺  
繁於生人所任最切近日刺史或一歲再遷或累年尚滯  
勞者不勸否者不懲自今郡守勤詔令奉詔條清廉可紀  
者四考與轉其有殊績及久歷外郡者或就加章綬或擢  
列朝行庶使中外有倫遠邇無異其刺史有關委中書門  
下選擇當時進擬不得稽遲其江淮諸道縣戶一萬已上  
稅錢五萬貫已上皆謂之大縣所擇縣令宜準元稹二年  
赦節文處分其去年二月五日赦書中詔令所薦縣令兼取散  
試官及白身并見任官者不學而製其弊固甚未操而割  
所傷則多豈有白身及散試官未經試吏堪任縣令未言  
及此殊匪朕懷又見任官更求舉荐亦長僥倖不可施行

其散試官及白身並見任官令吏部並停注擬自今已後  
 所舉縣令更不得舉薦此色將致乎理必在官循其方將  
 盡其才必在吏久於政先朝深知積弊首舉具員近日因  
 循又不遵守遂令躁競者不安其位唯望速遷自今已後  
 宜委中書門下所有除授並依元和二年具員勅處分其  
 諸道年終亦宜準承前勅停如刺史於留州數內妄有減  
 削非法破用者委觀察使風聞按舉必當重加科貶以誠  
 列取城如刺史不承制勅不得稱有公事請赴本使其錄事  
 叅軍亦不得擅離本州將欲化人必先興學苟異名於俊  
 造宜甄異於鄉閭各委刺史縣令招延儒學明加訓誘名  
 登科第即免征徭天下所置常平義倉準元和元年正月

赦書節文處置未便者委刺史各具事由條件聞奏有司  
 更與商量處分郵傳所置令式有文近年以來多有逾越  
 遂使馬蓄畜損耗供億勞煩宜準元和二年赦書節文處分天  
 下諸州府縣官吏應行鞭捶本罪不致死者或假以責情  
 致令殞斃宜委御史臺及出使即官御史等切加訪察聞  
 奏天下諸道或閉糴禁錢自為條約自今已後切宜禁斷  
 仍委鹽鐵巡院勾當其内外文武及致仕官三品已上賜  
 爵一級四品已下各加一階陪位白身人賜勳兩轉故尚  
 父汾陽王贈賜太師晟贈太尉秀實各與一子八品官顏真  
 卿杲卿張巡許遠南霽雲各與一子出身武德以來功臣  
 子孫量加獎用中書門下及節度帶平章事者各與一子

八品正員官祖父母及父母並與官封父歿母存者與邑號已贈已封者更與追贈及邑號禮儀使大禮使度支鹽鐵使京兆尹各與一子出身文武常參官并致仕官及諸道節度觀察經畧等使及神策等諸軍使父見存者量與致仕官母存者與邑號父母亡歿與贈官及邑號東都留守及諸道節度觀察經畧等使神策金吾六軍將軍威遠鎮國軍等使各與一子出身陝州奉天興元功臣更賜勳爵有差身歿未經追贈者並與追贈應元大禮移仗宿衛御樓立仗將士普恩之外賜勳爵有差仍準舊例賜錢物二十萬四千九百六十端足貫大禮職掌行事官吏及番守等更賜勳爵及加階升壇殿行事官更特加一階應在城內蕃客等賜物有差常參官及刺史有停替及病假解官及終制未授官者委中書門下量才進擬其有情愿授致仕官者亦聽天下諸色人中有賢良方正能忠言極諫博通墳典達於教化軍謀宏遠堪任將帥政術詳明可以理人者委有司各舉所知限今年十月到上都天下百姓高年者賜米及綿絹有差其元和十五年二月五日赦節文中有未處置者有司速舉施行庶令大信洽于天下百司之職布在舊章特舉正經必歸理本宜令尚書省應掌閑幕士御士醫工獸醫門僕藥僮御書手楷書手典書流外署等各賜勳兩轉通氣炳靈是資嶽瀆禦災捍患爰想聖賢將達明誠式崇祀典其五嶽四瀆宜委本州府長吏

文苑英華 卷一百一十五

朱倫

備禮致祭當極豐潔以副如在之誠名山大川及自古聖  
帝明王忠臣烈士各令所在以禮致祭亡命山澤挾藏軍  
器百日不首復罪如初赦書有所不該者所司具作條例  
奏敢以赦前事相告言者以其罪罪之赦書日行五百里  
布告天下咸使聞知主者施行

七月十六日校正六十字

文苑英華卷第四百二十六

文苑英華卷第四百二十七

翰林制誥八

赦書八

禋祀赦書四

寶曆元年正月七日赦文

編制

門下朕以眇薄纂承洪構祇見九廟肇祀二儀外飾備物

中惟盡敬

一作志

昆蟲草木

一作水草

之實致豐於蠲潔哀樂和

愉之感庶交乎

一作於

神明四海駿奔衆祇受職奠下觀而

化皆內誠乎心百王之禮樂在陳列聖之聲詩合奏敬極

嚴配道備饗親虔奉成式惕然<sup>焉</sup>惴懼而今而後不敢滿假

庶無大悔以貽祖考之羞因體元以統曆遂頒<sup>洽</sup>恩而

大宥可大赦天下改長慶五年為寶曆元年自寶曆元年

正月七日昧爽已前大辟罪已下罪無輕重已發覺未發覺已結正未結正繫囚見徒常赦所不原者咸赦除之其官典犯贓不在免限左降官自長慶四年三月三日制後未經量移者與量移近處已經量移者更與量移如復資者即任依常調選丁憂去任服闋日亦與量移如有親故在上都任於所司陳狀便與處分不必更待本州府申請別勅因責授降資正員官未經改轉者亦與進改亡官失爵放歸不齒者加收叙縱元勅云終身不齒者亦量與收叙流人未到所在及已到者量移近處如已收叙者量才錄用并僧尼道士移隸者亦與量移近處得罪人已亡歿家口未許歸家者一切放歸如自情愿住者亦任諸色得罪人中如先有勅云縱逢恩赦不在免限者并別勅安置者亦並宜委中書門下量事狀輕重節級處分左降官及流人先有官者如已亡歿各還本官流貶人所在身亡任其親故收以歸葬仍仰州縣量給棺槨優當發遣諸色人中有痕累禁錮及反逆緣坐等一切並無洗滌常叅官及諸州刺史有先因停替及因病假解官并終制未授官者委中書門下量才進錄勿令稽滯致仕官未經改轉者量改官依前致仕諸軍先擒獲吐蕃生口配在諸處者宜委本道資給放還本國毋許因循所在停住國家與吐蕃舅甥之好彼此無虞自今已後邊上不得授納投降人并擒獲生口等天下諸州府縣官應行鞭撻本罪不至死者假

以責情致令殞斃每念於此良增惻然宜委御史臺及出使即官御史等切加覺察一作察訪仍具事由聞奏澄清教化

莫尚乎太學惣一作明治心術必本乎六經天下諸色人中

有能精通一經堪為師法者委國子祭酒選擇具以名奏聞

天下州縣各委刺史縣令招延儒學明知訓誘名登科第

即免征徭刑罰不清不足以言理職官不重不足以棲賢

開一作開出入之文束上下之手必資慎選庶叶詳平大理

寺官屬比來吏部所授多非其才宜令精選有志行文一作

詞學兼詳明法律者注擬其有課績特殊堪在朝獎者臺

省有闕宜先選擢一夫不獲時予之辜苟有向隅之悲遂

軫納溝之慮如聞去冬吏部三銓選人駁放者衆或文狀

凡一作粟或書判差池主司守文不得不爾既施惠澤亦

有一作在露恩其長名及雜駁放選人如有未離京城者委

吏部今月內檢勘畢除涉踰濫者餘並却收以地遠殘闕

量才注擬如不情願受地遠官亦不可強之仍速處分不

得出選限內比者法一作下令懸科彰示大信法既無守人

何適從赦命不行因循成俗誕告四方為虛設開施廢政

為虛空文豈吾德之未明為有司之見負末言歎息中夜疚

懷朕即位之初已有赦令至如損撤服御止絕他獻限喪

葬以息淫費禁竒靡以專女工隱實版圖謹守儲備及從

他徃擅賦閉糴禁錢吏行姦欺人冒依庇僧道踰濫流貶

重輕錢幣利害軍屯侵占車馬衣服之制度公坐入已之

重輕錢幣利害軍屯侵占車馬衣服之制度公坐入已之

賦私悉令條疏貴欲該備頒宣未幾廢格已多或職司墮慢而不能將明或誥命纒行而下已不守以此求理不亦

難乎其元和已來詔書并長慶四年三月三日赦令委廢不行事在朕躬者諫官一作極言得失無有所隱其系一作

在臺閣者左右丞據詔條司額重加分配勿容推倚若因循寢廢無所申明及雖曾宣下不能明一作提舉者具事由

開奏量加沙汰其在有司州郡者委御史臺及分察使即中御史一作分察使出度支鹽鐵巡院准前後詔勅切加

訪察各具犯狀移勘奏聞其本判官及刺史已下必加賤責用懲不恪如舉察之司循默自守事狀泄露者亦據容

庇量加殿黜仍並委中書門下重有舉明去年三月三日赦令及今年赦文一事已上切加懲督責據時限量官吏

勤惰具科殿重輕聞奏京西京北邊上諸軍州鎮自今年已後如有中使及即官御史奉使到所管並不得與人事

物應天下典人莊園店地一作莊園店便合祇承戶稅本主贖日不得更引令式云依私契徵理組織貧人虞氏建官必

明黜陟漢朝置吏皆長子孫政成簡用咸登右職近代遷除過速資給轉繁肩為時風莫有固志親人之職為弊尤

深昨俗土宜未及週悉迎新送故已聞代換更蒞一作雖遽資望如初善否不分升降莫驗一作徒為煩擾無益公

私自今已後刺史縣令若無所犯非滿三周年不得除替如理行尤異但議就加其有才宜他職灼然要籍者中書

門下先具事由及授上年月奏聽進止滿歲遷代無闕敗者即與進改磐石維城義深麟趾穠華下嫁禮次椒塗緝紳文武之良才執事恪居之奉職克參裸獻載叶肅雍亞獻嘉王運終獻循王通等各賜物一百疋夾侍正衣進珪捧珪各賜五十疋亞獻終獻正衣各賜物四十疋大長公主嗣王郡主縣主各有賜物内外文武見任及致仕官三品已上賜爵一級四品已下加一階合入三品五品欠考未合叙者待考足日聽叙斯文未墜降聖克昌道逾三代之英化立百王之範象賢崇德垂裔作賓教儀斯崇憲章無改文宣王二王三恪各與一子官其祠廟委所司量加修飾克稱敦淳一作叙周述本枝睦族是先觀親斯在皇五

等已上親三品以上賜爵一級五品已上加一階六品已上及前資常選散官簡選日優與處分未有出身陪位者每家放一人出身應陪位者皇儲五等以上親及太皇太后皇太后三等已上親三品已上賜爵一級四品已下加一階諸親四等及諸州賀正官并諸色陪位官等五品已上加一階六品已下及白身人並賜勳兩轉其前資及有出身者各減一選締構興王弼成昌運動藏冊府烈冠史編九原推可作之風百代凜如生之氣載懷丕績何日敢忘武德以來配饗功臣及將相名節尤著長慶四年三月三日制未霑甄叙者委中書門下條疏疏聞奏量加優獎故尚父汾陽王贈太師晟贈太尉秀實子孫中未曾經甄獎



者每家與一人正員官元和已來有因戰伐死於王事其名跡顯著未有優贈者各委本道節度使條錄聞奏如勘覆詣實當有處分其有骸骨暴露者宜令所在埋瘞弘教愛之典一作理爰命推思念追遠之懷用頒徽贈常叅官及諸州府長官父母見存未有官封者並量與五品致仕官及階并邑號父母亡歿未經追贈者量與贈官及邑號已經追贈者更與改贈如贈官已至一品邑號已至國夫人者不在此限中書門下及節度使帶平章事者宜與一子正員七品官祖父母父母先亡歿各與追贈經追贈者更與改贈官已至一品邑號已至國夫人者不在此限節度使與一子正員八品官東都留守度支鹽鐵使觀察處置都團練都防禦經畧招討等使及神策金吾六軍將軍大將軍上將軍統軍威遠鎮國軍等使皇城留守各與一子正員九品官京兆尹特加一階父母先亡歿未經追贈者各與追贈職脩祀事禮奉嚴禋既洽殊恩宜加異等庶郊廟升壇升殿行事官普恩之外宜更加一階如合入三品五品者任待考足日聽叙尚書省三品四品已上中書門下五品已上特加一階使蕃殿省給事郊丘顧以忠勤是宜甄獎內行事官三品已上更賜爵一級四品已下更加一階內侍省及內侍省內坊官四品已上各賜勳五轉五品已下各賜勳三轉庶從駕至郊廟者普恩之外三品已上賜爵一級四品已下各加一階品官白身賜勳兩轉環

列師營服勞扞衛申威攸屬敷惠是膺神策六軍金吾威  
遠皇城及諸道將士等三品已上賜爵一級四品已下加  
一階無官者賜勳三轉在城神策六軍威遠營在右金吾  
及皇城將士應大禮移伏宿衛御棊立伏等普恩之外三  
品已上賜爵一級四品已下加一階仍準舊制賜物有差  
其神衛將士賜加一階仍準舊例賜物有差神策將士應  
在京畿諸縣者亦各有賜物應緣大禮職掌行事官并修  
撰儀注及留守副留守倉庫卿等普恩之外三品已上賜  
爵一級四品已下各加一階虔奉職貢載觀致仕官及郊  
裡俾覃錫賚之恩用廣懷來一作之義鴻臚禮賓院應在  
城內蕃客等各有賜物翰林待詔供奉及諸色直見任及

前資并員外試官三品已上賜爵一級四品已下各加一  
階無官者賜勳兩轉導藩服之誠承帝庭之命忠勤既著  
勳賞宜周諸道知上都進奏院官在城者各賜勳兩轉應  
緣大禮四方進表疏及賀正官各賜勳三轉敬承禋祀贊  
執豆籩列庶位以觀光酌多儀而中矩誠在儆肅一作理  
叶褒升郊廟行事齋即減二年勞室長掌座禮生贊者減  
一年勞無勞可減者便放出身崇玄館行事學生及齋即  
禮生番考已滿所司緣大禮却追入行事各減一選國子  
監學生陪位者賜勳一轉中書門下儀制官各特賜一階  
應緣祗供作官直司長上諸州行綱考典兩縣耆壽諸色  
番役當上在城并量留十二月番者各賜勳兩轉飛龍閑

廡宮苑典引掌扇內園總監裁接少府將作內中尚武德  
 軍器內外弓箭庫等諸司諸使下白身人及無品直司定  
 額長上雜匠巧兒黃衣長上監門直長雜使三衛七色引  
 駕細引執扇角手弩手曠騎武士天文觀生曆生漏生典  
 鼓典鍾工人樂人主衣主膳主酪典食胡食手宰手掌閑  
 幕士御士醫士獸醫門僕藥僮御書手楷書手典書流外  
 行署等各賜勲兩轉尚年貴老所以教孝也聳義嘉節所  
 以貞俗也天下百姓高年者上縣以上每縣十人中縣五  
 人下縣三人並以縣界年最高者充數并孝子順孫義夫  
 節婦先經旌表行義不虧者人各賜米三石絹兩疋仍版  
 受上佐縣君並委令長齋粟帛就家宣賜訖具名本道一  
 時聞奏其未及絹仍於上供數內申破神配峻極德稱靈  
 長秩既升於王公禮合加於牲幣五岳四瀆宜委本州府  
 長吏備禮致祭當極豐絜以副如在之誠書稱望秩禮著  
 不封仰堯舜之聰明慕文武於方冊遐想忠貞之跡緬懷  
 義烈之風能禦大災咸申祀典名山大川及自古聖帝明  
 王忠臣烈士各令所在以禮致祭亡命山澤挾藏軍器百  
 日不首復罪如初赦書有所不該者所司具作條例聞奏  
 敢以赦前事相告言者以其罪罪之赦書日行五百里布  
 告天下咸使聞知主者施行 一作皆唐大詔令

是日揚蔭北翰西昆仲來訪同泛舟太液池抵暮乃歸

七月十八日檢正四十四字

文苑英華卷第四百二十七

文苑英華卷第四百二十八

翰林制詔九

赦書九

禋祀赦書五

太和三年十一月十八日赦文

編制

門下王者祗見宗廟情極於孝思肅事郊丘義崇於嚴配諸侯駿奔以助祭百靈盼饗而降祥感達神明詔今作祗斯為茂範朕以冲昧獲嗣丕圖奉累聖之耿光承上天之眷命以簡易弘宣政本以勤儉調順化源宵旰勵心思臻至道兢業寅畏于今四年屬興伐叛之師未暇燔柴之禮賴祖宗保佑上帝監臨氛慝澄清弓戈索戢今因南至有事圓丘薦誠敬於二儀申感慕於九廟群祀來享至誠必通既

陳信以告虔宜覃恩而廣澤可大赦天下自太和三年十一月十八日昧爽已前大辟罪已下罪無輕重已發覺未發覺已結正未結正繫囚見徒常赦所不原者咸赦除之唯犯惡逆已上及故殺人官典犯正入已賊不在免限左降官量移近處已經量移者更與量移如復資者五品已上中書門下速與處分六品已下即任依常調選丁憂去任服闋日亦與量移如有親故在上都任於所司陳狀便與處分不必更待本州府申請別勅因責授降資正官員未經改轉者量與進改亡官失爵放歸不齒者量加收敘縱元勅云終身不齒者亦量與收敘流人未到所在及已到者並放還唯降死徒流者並與移近地如已收敘者量才錄用弁僧尼道士移隸者亦與改還得罪人已亡歿家口未許歸者一切放歸如有情愿留者亦任諸色得罪人中如先勅云縱逢恩赦不在免限者弁別勅安置者亦並委中書門下量事狀輕重節級處分左降官及流人先有官者如已亡歿各還本官流貶人及諸色得罪人所在身亡任其親故收以歸葬仍仰州縣量給棺槨優當發遣諸色人中有痕累禁錮及逃匿者一切並與洗滌常叅官及諸州刺史有先因停替及以病解免弁終制未授官者委中書門下量才進擬勿令稽遲口已才命士仕所貴任賢黷貨鬻官深為貶法縱思寬宥亦慮惠姦其有偽官出身人近已從流者與移近處未處分者減等處分未發覺者賣官買

文淵閣華... 卷之...

官人竝仰赦書到後一月內於所在納官告陳首得免其  
罪如不陳首者已後事覺不在免罪限封畿之內供億常  
殷既渥恩宜加霑給其京兆府明年夏青苗錢宜放一半  
財貨之司姦屈皆有切資政一作理以遏倖門應度支鹽  
鐵戶部三司所管諸色官吏所由人戶等欠負太和元年  
已前諸色錢物斛斗等各委本州盡理勘實如是貿易招  
狀入已隱欺即準條處分如緣收貯年深盤覆欠拆水火  
深藝事實有憑如此之類除檢責家產及攤徵元保外如  
實無可納空掛簿書連年囚禁者宜各具色目聞奏河南  
諸鎮仍歲兵荒百姓困窮宜有蠲免其鄆曹濮淄青兗海  
及滄德管內齊州明年夏稅錢每貫放二百文其稅子

詔十分放二分諸道方鎮自兵興以來或緣進奉助軍或  
緣本道徵發務求濟辦多是權宜今寇賊既平中外無事  
宜申典法以救傷殘天下除二稅外不得輒有科配其擅  
加雜權率一切宜停仍令御史臺及出使郎官御史并所  
在巡院嚴加訪察自滄景用兵所在逐急湏借諸州常平  
義倉斛斗權充軍糧宜令度支勘計速遣收糴填數聞奏  
邊防至重悉宜有素器械倉廩尤湏精實比歲有司屢以  
營屯奏報納計諸鎮儲蓄合支數年尚恐主吏欺罔未加  
約束宜委度支與本道節度及營田使仔細勘會自營田  
已來所貯糧見在倉者多少支得幾年軍糧具實聞奏又  
緣邊諸鎮兵額虛實器械色目亦仰聞奏如涉虛謬本判

官必加懲責有欠闕當議添置務令撫實無掛空文纂組文采貴貨勞人奇技淫巧蕩心喪志將欲導其儉朴必在

抑其華飾率化天下先自朕躬應緣乘輿服御宮禁詔令作宗

廟供湏一事已上當從儉約自今已後四方並不得輒以

新樣難得非常之物為獻其機杼織作有織麗尤甚若花

絲布繚綾之類及幅尺廣狹不中常度者並宜禁斷仍仰

天下州府勅到後一月日內所有此色機杼一切焚棄訖

聞奏并委觀察判官嚴加檢察犯者以故違勅論縣令政

切親人糺曹職當舉轄命於選部非不擇才比者令常參

官得各舉縣令所舉不當雖有明文法既因循遂開僥濫

自今後宜令諸州刺史及本道觀察使各舉管內堪任縣

令錄事參軍者仍湏資考相近并據闕申奏所舉官如才

職不稱刺史書下考如至賊犯闕刺史停見任觀察使據

事輕重臨時處分如政事修舉課第殊尤亦當明賞以觀

能者立法之意使人不移苟移用之有名在公費而何害

天下州府兩稅占留錢每年支用各有定額其廻錢羨餘

準前後赦文許充諸色公用長慶四年二月三日制亦具

言緣無分明條件可使執守刺史每被舉按即以坐賊論

湏為立程俾無甚弊其州府應合公用羨餘物并因循舊

例與格令不同者並令尚書省御史臺明立條件散下州

府使知所守末可遵行緇黃之衆蠶食生人規避王徭凋

耗物力應諸州府度僧尼道士及創造寺觀累有禁令尚

或因循自今已後非別勅處分妄有奏請者委憲司彈奏  
量加貶責其百姓中有苟避徭役冒為僧道所在長吏量  
為科禁古者理戎皆舉成法將卒有制簡閱有時所以籍  
無虛名軍無冗食至於符守各奉詔條諸道先發轄屬支  
郡將士如聞衣糧解補猶繫使司詳其事理頗非簡便宜  
委本使差官檢元轄割名額及賜糧等第文案與刺史勘會  
除續準詔勅抽停外據所合給錢米並以當州合送使錢  
米依虛實擬熟分數折計割入留州錢數勘會訖州使各  
具分數聞奏應緣解補支給并委本州其使司更不緣得  
收管諸道諸州所置將吏如非原額周事之外各隨閑劇  
務從簡省方鎮刺史在京除官所湏收補隨從人數有司

以為節限他時替罷仍令隨使停解其方鎮交代之時及  
知留後官不得輒有一作補置如違委巡院官具事目申  
臺司錄奏其違犯官重加科貶所補人并本職停解刺史  
職在分憂得以專達事有違法觀察使寧不糾繩四字詔

後舉奏頃年赦如聞遠地多未遵守州司常務巨細取裁

至使官吏移攝將士解補占留支用刑獄斷結動湏稟奉  
不得自專雖有政能無所施設選置長吏將何責成宜委  
御史臺及出使郎官御史嚴加察訪觀察奏聽進止本判  
官不能匡正及刺史不守朝章並量加貶降若所管州郡  
控接蕃夷軍戎之間事資節制湏得使司共為條理即不  
在此限邦畿之內物役殷繁事苟不均人何以濟如聞近



年以來京城坊市及畿甸百姓等多屬諸軍諸使諸司占補之時都無旨勅差科之際頃異編氓或一丁有名則一

戶合免往年制勅無復遵行宜委本軍本使及京兆

府各切詔令作切加提舉準元和二年八月京兆府所奏勅及

長慶元年制度節文處分自先朝以來累有赦令防姦除

弊條目甚詳至如閉糶禁錢橫徵暴賦兩稅物估之虛實

四方進獻之豐省再三處分非不丁寧出令不行名實自

爽從元和二年已後所有勅令宜委中書門下及內外百

司按事施行勿踵前弊仍令御史臺嚴加糾察諸色出身

三衛最濫假冒官蔭妄用優勞補既過多簡亦失實既叅

選序命此理人積歲倖門誠宜杜塞其三衛宜三二年且不

得一作非補待簡先補人數盡無如更要補委有司條疏疏嚴

為限制每所補注挾名替闕如便可停廢亦請實奏聞禮

著從人詩稱下嫁義當選尚俾各有行其六宅十宅諸王

女縣主每令每年於選人中擇其情願者配尚授官之日

量加優賞罷秩之後仍減兩選其初婚者便有賜與使備

行禮如非士類不在選限其該載未盡處委中書門下別

條疏聞奏量能授用允屬於群材舉善推賢是先乎公族

經學可以弘教本高尚可以觀時風宗子中有才行著明

文學優異者委宗正寺具名聞薦比類加獎諸色人中有

精究經術洞該今古求志不期聞達委所在長吏具以名

聞國家與吐蕃甥舅之好彼此無虞自今已後邊上不得

一作  
交非  
更非

納投降人并擒捉生口締構興運真贊昌期勲鏤鼎彝名  
 光簡冊載懷風烈何日忘之武德已來配享功臣及將相  
 名跡尤著節義顯聞而子孫陵替官闕廢墜未經甄錄者  
 委中書門下搜訪一作非嗣特一作量加優異故尚父汾陽  
 王贈太師晟贈太尉秀實子孫中未經甄獎者每家與一  
 人正員官盤石之親義資敦叙稷華之慶道備肅雍文武  
 庶僚中外執事或敬恭厥位或祗奉嚴禋爰考舊章用申  
 慶澤亞獻循王通終獻恭王通等各賜物一百疋夾侍正  
 衣進珪捧珪各賜物五十疋亞獻終獻正衣各賜物四十  
 疋大長公主長公主嗣王郡主縣主各賜物有差內外文  
 武見任及致任官三品已上賜爵一級四品已下加一階

合入三品五品欠考未合敘者待考足日聽敘素王設教  
 崇儒配於斯文虞賓在庭想遺風於先烈微言不墮令德  
 攸彰文宣王之後及二王三恪各與一子官其祠廟委祈  
 在量加修飾禮重睦親化先合族慈訓克承於椒掖寵光  
 宜首於觀津太皇太后皇太后二等已上親皇后三等已  
 上親委中書門下各擇有才行者量與改官無官者各與  
 出身皇五等已上親三品已上賜爵一級五品已上加一  
 階六品已下及前資常選散官簡選日優與處分未有出  
 身陪位者每家放一人出身應陪位皇五等已上親及太  
 皇太后皇太后三等已上親三品已上賜爵一級四品已  
 上加一階諸親四等伍等并諸色陪位官五品已上加一

階六品已下及白身人竝賜勳兩轉其前資及有出身者各減一選推恩之令所以申孝愛褒贈之典所以極哀華爰加寵章用舉徽數常叅官及諸道州府長官父母見存有官封者竝量與五品致仕官及階并邑號如已有者量與進改如官已至五品已上者即與五品階父母亡歿未經追贈者量與贈官及邑號輔弼之臣鈞衡是屬既當大慶爰錫殊恩中書門下及節度使帶平章事者宜特加一階如本階已至正三品已上者與一子正員八品官祖父母先士歿各與追贈已追贈者更與改贈節度使與一子正員九品官東都留守度支鹽鐵使觀察處置都團練都防禦經畧招討使及神策金吾六軍將軍上軍統軍威遠鎮國軍等使皇城留守各與一子出身父母先亡歿未經追贈者各與追贈禮儀使大禮使京兆尹各與一子正員九品官大祀有嚴殷薦充重允在厥職宜特加恩應郊廟升殿行事官普恩之外宜更加一階如合入三品者量減三考入五品者量減兩考仍待考足日聽敘其合選人與減一選禮奉郊禋任親殿省忠勞旣竭甄錄宜優內行事官三品已上更賜爵一級四品已下更加一級內侍省及內坊官四品已上各賜勳五轉五品已下各賜勳三轉應從駕至郊廟者普恩之外三品已上賜爵一級四品已下各加一級白身賜勳兩轉陳列威容肅清警衛載加寵錫用示恩私神策六軍威遠營左右金吾及皇城將士應緣

大禮仗宿衛御樓立柱等普恩之外三品已上賜爵一級四品已下加一階仍依舊例賜物有差其神策將士應在京畿諸縣者亦各有賜物應緣大禮職掌行事官併修撰儀注及留守副留守倉庫卿等普恩之外三品已上賜爵一級四品已下各加一階要荒地遠職貢方來既覩郊禮之盛儀湏覃慶賜之殊澤鴻臚禮賓院應在城內蕃客等各有賜物諸道知上都進奏院在城各賜勳三轉應緣大禮四方進奏院及賀官各賜勳三轉藝術所資優假宜及况因大賚當給新恩翰林待詔供奉奏并諸色直見任及前資并員外試官三品已上賜爵一級四品已下各加一階無官者賜勳兩轉姜執且邁克恭薦饗或贊引叶於義矩

或祗飾奉其事功心畢幹勤理當褒獎郊廟行事齋郎城二年勞室長掌座禮生替者城一年勞而勞可減者便放出身崇玄館行事學生及齋郎禮生番考已滿所司緣大禮却追入行事各城一選國子監學生陪位者賜勳一轉中書門下儀制官各加一階應緣祗供作官直司長上諸州行綱考典兩縣耆壽諸色番役當上在城并量留十月番者各賜勳兩轉飛龍閑廐宮苑典引掌扇內園總監裁接少府將作內作中尚武德軍器內外弓箭庫等諸司諸使下白身人及無品直司定額長生雜匠巧兒黃衣長上監門直長雜仗三衛七色引駕細行執扇角手弩手曠騎武士天文觀生曆生漏生典鼓典鍾工人樂人主衣主膳

主酪典食胡食手宰手掌閑幕士御士醫士獸醫門僕藥  
僮御書手楷書手典書流外行署等各賜勳兩轉夫務仁  
壽莫若敬耆老厚風俗莫若勸名節天下百姓婦人年九  
十已上各賜米五石絹兩疋綿一屯羊酒有差版授下州  
刺史郡君八十已上各賜米叁石絹兩疋版授上佐縣君  
孝子順孫義夫節婦旌表門閭終身勿事先已旌表者量  
加優恤竝委令長貲米帛就家宣賜訖具名申本道一時  
聞奏極天而峻旣多鎮定之功赴海不窮且有朝宗之義  
五岳四瀆宜令本州刺史備禮致祭大報之後咸秩當行  
常祀雖定於歲時徧祭因宜乎柴燎載慕前王之令德復  
想古人之義風名山大川自古聖帝明王忠臣烈士各令  
所在以禮致祭亡命山澤挾藏軍器百日不首復罪如初  
赦書有所不該者所司具作條例聞奏敢以赦前宰相告  
言者以其罪罪之赦書日行五百里布告天下咸使聞知  
主者施行

七月十九日抄西六十八字

文苑英華卷第四百二十八

文苑英華第四百二十九

翰林制詔十

赦書十

禋祀赦書六

會昌五年正月三日南郊赦文

編制

門下王者事帝必嚴禋祀之容臣下歸功爰極推崇之義  
 既膺顯號式展盛儀因時布和順歲更始前聖垂範逮予  
 是遵矧以眇身幸逢昌運雖履冰惟懼而涉道未週周繫我  
 輔臣泊茲列岳內盡交修之志外分共理之憂乃者虜衆  
 乖離部族歎附收帝子於氍裘之所致名王為冠帶之臣  
 堅昆來朝不遠萬里夷貊嚮化克同九州重以上黨狂童  
 竊襲叛跡問罪之師既集元兇之首遂梟廓清亂風洗滌

汙俗剪逆豎而故都底定竄摩尼而壞法未除由是退惡  
進賢化行令舉刑姦賊之吏破黷貨之家此皆宗社降靈  
助成時政豈朕涼德獨擅厥功而中外誠臣文武多士累  
陳懇疏再舉鴻名辭不獲從被此虛美是用虔告清廟明  
禋上玄煙燎所升靈貺如荅既畢郊禮重申國經宜因行  
慶之辰誕布惟新之令同我景福永孚于休可大赦天下  
自會昌五年正月三日昧爽已前大辟罪已下罪無輕重  
已發覺未發覺已結正未結正繫囚見徒常赦所不原者  
咸赦除之唯犯十惡及逆已上及故殺人官典犯入已賊  
持仗行劫縱不殺人並不免限左降官量移近處已經量  
移者更與量移如已在近處未復資者有司別條聞奏如  
復資者五品已上中書門下速與處分六品已下依常調  
選丁憂去任服闋日亦與量移如有親故在上都任於所  
司陳狀便與處分不必更待本州府申請從九月二十九  
日降郊禮勅後流貶人不在此例兼比來與劉稹楊弁同  
謀惡逆配流及伏法身死有父兄子弟及諸親族等配流  
者並不在放還及量移之限別勅因責授降資正員官未  
經轉者量與進改亡官失爵放歸不齒者量加收叙縱元  
勅云終身不齒者亦量與收叙流人未到所在及已到者  
並放還唯降死從流者與移近地如收叙者量才錄用并  
僧尼道士移隸者亦放還其情狀難容者不在量移及放  
還之限得罪人已亡歿家口未許歸者一切放歸如自情

願住者亦任諸色得罪人中如先有勅云縱違恩赦不在  
免限者并別勅安置者亦委中書門下量事狀重輕節級  
處分左降官及流人先有官者如已亡歿各還本官流貶  
及諸色等罪人所有在任身亡任其親故收以歸葬仍仰  
州縣量給棺槨優當發遣近年將相及任使文臣如因事  
貶降身已淪沒情理屈者並量與追贈諸色人中有痕累  
禁錮及逃匿者一切並與洗滌應昭義逆黨親族除已處  
置外其他素不同謀者並一切不問常參官及諸色刺史  
先因停替及以病解免終制未授官者委中書門下量力  
進擬勿令稽遲帶國家與吐蕃舅甥之好彼此無虞自今後  
邊上不得受納投降人並擒捉生口功蓋本朝賞延後嗣

是加恩禮用勸臣心故尚父汾陽王贈太師晟贈太尉秀  
實贈司徒顏杲卿贈太師顏真卿許遠張巡南霽雲子孫  
中未經甄獎者每家與一人出身耕桑豐約上應征租泉  
貨重輕宜均物力丁徭若絕其影占組織又去其織奇則  
農桑無荒女工斯勸京畿百姓應兩稅及青苗地頭納見  
錢等充給府縣官吏及諸色支用今天下諸州所納兩稅  
皆據分數納見錢除納省估疋段給用之日錢貨並行其  
京畿應納諸色錢等許納諸州及本土上色絹每疋與折  
八百文充官吏料錢及諸色給用京畿今年夏稅麥數內  
每斛放五勝京兆府諸縣應欠開成五年終已前青苗權  
酒秋夏品送府倉正稅地租百官職田資百姓種糧戶部



和糴變一作色粟驛蓄科得草麩越並放免畿內條稅百

姓准元和二年八月二十五日勅會昌元年正月九日赦

節文計戶內丁數多少充諸司盡榷第子致令鄉縣所由

無人差役各委諸軍諸使司準前後勅文收補仍具姓名

奏聞勅下京兆府重磨勘如有人戶違越妄托屬諸軍諸

使及諸軍諸使不準勅文影占收補者並準前後勅文處分諸使諸軍

諸司人在鄉村及坊市店舍經紀準前後赦文收與百姓

一例差科不得委有影占應屬官庄宅使司人戶在店內

及店門外經紀求利承前不復隨百姓例差科者從今後

並與諸軍諸使一例準百姓例供應差科畿內諸縣百姓

租佃百官職田地訪聞其中有承虛名配佃多時縣司但

據額徵收租子或無本地及被形勢庄園將墾薄田地廻

換令人戶虛頭納子歲月既久無因申明各委縣令子細

磨勘別立簿書具明段四至申報仍委當司審勘會分析

奏聞畿內諸縣鄉村及城內坊市人戶不是正額食糧官

健及非工巧之徒假以他名諸司諸使影占納課其數至

多各本司釐革凡是納課人戶並停解送歸本縣收入色

役京畿內近日足陌用錢唯益富室足帛苦賤反害疲人

宜却令依前行墊陌錢每墊八十文其公私交關五貫已

上令一半折用足帛武功既暢經術是修宜闡儒風以弘

教化應公卿百寮子弟及京畿內士人寄客修明經進士

業者並隸名太學每一季一度據名籍分番於國子監試

業

帖三度帖經全通者即是經藝已熟向後更不用帖試如  
三度全不通及三度託事故不就試者便落下名籍至貢  
舉時不在送省之限其外寄居及土著人修進士明經業  
者並隸名所在官學仍委長吏於見任官及本土着學行  
人中選一人充試官亦委每季一試餘並準前處分如無  
經藝雖有文章不在送省之限所冀人皆嚮道學務通經  
職局官常各宜歸正詳刑決獄豈可容姦在京諸司典吏  
考滿合赴選者官成後皆作計勾當不肯赴任今日已後  
官成後便勒赴任本司不至各令本司釐正不得奏請勾  
留如一年選不成者且勒依舊執行文案至二年選不成  
者勒停守選諸州府有遺攝官及職掌人推察刑獄比及  
刑部詳斷其間或節目不盡或與奪用情將有勘尋便稱  
停罷向後諸州府推事並須差見任官仍在兩考內者其  
刑部大理法直並以明法出身人充據律已去任者公罪  
流已下勿論公罪之條情有輕重苟涉欺詐豈得勿論向  
後公罪有情狀難恕者並不在勿論之限上柱國前代烈  
勲謂之八柱品居第一宜峻寵章向後非特恩不在累叙  
之限近日諸道奏官其數至廣非惟有侵選部實亦頗啓  
倖門向後淮南兩浙宣鄂洪潭荆襄等道並不得更有奏  
請其三川邊鎮河南北地遠官無選人肯去闕員稍多處  
即任量要切奏請仍每道一歲不得過七員應諸道軍將  
昨緣酌獎戰功多授正秩今日已後非因戰功不得請正

官其已有正官者或因停替亦須待三五年後方得奏請  
 比來山劍湖嶺間刺史多居周行散位口久而選縣佐率  
 是諸曹胥徒年滿則授生人舒慘屬在此流朝廷典章罕  
 能具舉自今已後每除湖嶺山劍南間刺史取其流品稍  
 高兼曾歷三四任已上州官者如有政績委本道觀察使  
 具以名聞其遠處縣邑多是中下縣其縣丞簿尉等例是  
 入流令史苟求自利豈知官業其中下縣丞中縣簿等自  
 今已後有衣冠士流經業出身經五選如願授者每年便  
 許吏部投牒依當選人例下文書磨勘注擬如到任清白  
 幹能刺史申本道觀察使每年至終使司都為一狀申中  
 書門下得替已後許使上縣簿尉選數赴選與第二任好  
 官三衙官中名本於宿衛當番就役其事甚微疑每年兵  
 部選時號為文簡合選之數全淺於明經齋即注擬之時  
 爭先於諸親宗子其於踰濫莫甚於斯入仕之門此徒最  
 弊自今已後但令武簡其文簡並停宗子每因恩澤皆賜  
 出身自幼授官多不求學未詳典法頗有憊遠委宗正寺  
 收補明經每年許參三十人出身同兩願例與補各搜圖  
 籍精驗源流明為保舉不得容有踰濫仍一季一度試帖  
 經餘並進士明經條例處分京師佛刹相望其數已多既  
 臨康莊足壯都邑近緣疎理僧尼訪聞大寺房院半已空  
 閑其坊內小寺或產業素貧或殿宇摧毀僧數既少不足  
 住持併合同居事從簡當委功德使條疏各具去着名額

奏聞其所拆寺僧尼如行迹非違不守佛之禁戒者亦宜  
揀選勒令還俗仍依前勅處分兼具數聞奏其餘僧尼即  
令移入側近大寺有房院居住又京城諸市寺亦不盡有產  
業就中即有富寺今既踈理僧尼兼停脩造所入厚利恐  
皆在破委功德使檢責富寺邸店多處除計料供常住外  
賸者便動貨賣不得廣占求利侵奪疲人所去不均之患  
冀合哀多之義又諸州府所申還俗僧尼已有定額若無  
私度者當減耗諸道每至年終各具見在僧尼數申省其  
續有死亡及犯事還俗并分拆申報本司磨勘奏聞如聞  
兩浙宣鄂潭洪福三川等道緣地稍僻姑務寬容僧尼之  
中尚多踰濫委長吏更加揀其有年少無戒行者雖先在  
俗內亦湏沙汰古者受祿之家食祿而已不與人爭業然  
後利可均布人可家足如聞朝列衣冠或代承華胄或在  
清途私置質庫樓店與人爭利今日已後並禁斷仍委御  
史臺察訪聞奏如聞兩川稅租盡納見錢蓋緣人多伎巧  
物皆織麗凡所織作不任軍資所以人轉困窮俗增侈靡  
然以風土所習頓革稍難委刺史與縣令商量勸課有機  
杼之家依果閩州且織重絹仍與作三等估上估一貫一  
百下估九百待此法行後每年兩稅一半與折納重絹即  
異人稍蘇息軍用不虧或因官遊遂輕土著戶籍既減征  
徭難均江淮客戶及逃移規避戶稅等人比來雖係兩稅  
並無差役或本州百姓子弟纔需一官及官滿後移住隣

州兼於諸軍諸使假職便稱衣冠戶廣置資產輸稅全輕  
便免諸色差役其本鄉家業漸自典賣以破戶籍所以正  
稅百姓日減州縣色役漸少從今已後江淮百姓非前進  
士及登科有名聞者縱因官罷職居別州寄住亦不稱爲  
衣冠其差科色役並同當處百姓流例處分除盜懲姦在  
去其枝葉校功責課必削其根本如聞江淮諸道私鹽賊  
盜多結群黨兼持兵仗劫盜及販賣私鹽因緣便爲大劫  
江賊有仗者雖未殺人不在該恩之限又逃還復業戶雖  
先有格令近來多因刺史縣令務虛名者招携逃戶侵奪  
己成產業轉令居者不安姦人得計苟求非時考課虛申  
招復逃亡及至定稅徵科依前逃散稅錢緣已申省使節  
湏攤配疲人從今已後應諸州縣逃戶經二百日不歸復  
者其桑產居業便招收承佃戶輸納其逃戶縱歸復者不  
在論理之限其有稱未逃之時典貼錢數未當本價者便  
於所典買人戶下據戶加稅亦不在劫收索及徵錢之限  
義重維城慶流多葉叙睦之道寵渥惟宜中外群寮文武  
多士或郊裡奉職或局署業官各洽恩波以類申典亞獻  
撫王統等各賜物一百疋夾侍正衣進珪捧珪各賜物五  
十疋亞獻終獻正衣各賜物四十疋大長公主公主嗣王  
郡主縣主各有賜物內外文武見任及致仕官三品已上  
賜爵一級四品已下加一階合入三品五品欠考未合叙  
者待考足日聽叙孔氏行教折中於百王虞賓展敬不廢

於千古敢怠咨稟爰用褒明文宣王之後及二王三恪與一子出身各賜物五十疋其祠廟委所司量加脩飾堯稱睦族漢貴推恩在明廣敬之義式長奉親之孝太皇太后<sub>中</sub>二等已上親王<sub>皇</sub>三等已上親委中書門下各擇有才行者量與改官如無堪獎用者即不必與改皇五等已下親及三品已上賜爵一級五品已上加一階六品已下及前資常選散官簡選日優與處分應陪位皇五等已上親及太皇太后皇太后三等已上親三品已上賜爵一級四品已下加一階親四等五等并諸色陪位官五品已上加一階六品已上及白身並賜勲兩轉其前資及有出身各減一選前聖立言教人以孝慶覃存沒禮洽閨門俾奉高堂之榮用霑滂泉之澤常叅官及諸州府長官父母見存未有官封者並量與三品致仕官及階并邑號如已有官封者並量與進改如官已至五品已上者即與五品階父母已歿未經追贈者量與贈官及邑號公台輔弼柱石列藩俾弘追飾之恩仍昭賞延之典加於存歿用洽寵章中書門下及節度使帶平章事者宜與一子正員八品官祖父母先亡歿各與追贈已經贈者更與改贈破迴鶻及攻討昭義立功節度使不帶平章事者及劉沔李思忠各與一子正員九品官節度使東都留守度支鹽鐵觀察處置諸防禦經畧昭討使及神策金吾六軍將大將軍威遠鎮國等使皇城留守各與一子出身父母先亡歿未經追贈者各

與追贈禮儀使京兆尹各與一子出身寅奉典冊肅恭明  
禋或勤贊相之義或專扈從之禮時當慶澤豈恡恩華庶  
郊廟升壇升殿行事官普恩之外中書門下尚書省御史  
臺三品已上特加一階四品已上各賜一階如合入三品  
者量減三考入五品者量減二考仍待足考日聽叙其合  
選人與減一選內行事官三品已上更賜爵一級四品已  
上更加一階內侍省及內坊官四品已上各賜勳五轉應  
從駕至郊廟者普恩之外三品已上賜爵一級四品已上  
各加一階白身賜勳兩轉攝侍中讀寶官攝中書令讀冊  
官各賜一子出身選冊文官賜一子正員官奉冊奉寶綬  
官書玉冊官書寶官各加二階進寶綬進冊進中殿外辦  
禮儀贊導押冊押寶綬舉昇寶冊官各加一階合選人減  
一選其餘應職掌行事官及寫制書官太常修撰儀注禮  
官并內行事官三品已上賜爵一級四品已下加一階仍  
並賜勳一轉鑄造玉冊并填金字造裝玉冊官各賜物五  
十段禁營軍師信宿警衛宜頒慶賚以獎勲勞神策六軍  
威遠營左右金吾及皇城將士應緣大禮儀仗宿衛御樓  
立仗等普恩之外三品已上賜爵一級四品已下加一階  
仍準賜物舊例有差其神策將士應在京畿諸縣者亦各  
有賜應緣大禮職掌行事官并修撰儀注及留守副留守  
守倉庫卿等普恩之外三品已上賜爵一級四品已下各  
加一階梯航奔走慕化在庭藩岳奏陳不虧奉職勤勞禁

署已積歲時鴻臚禮賓院應在城內蕃客等各有賜物諸道知上都進奏院官在城者各賜勲三轉應緣大禮四方進表疏文賀正官各賜勲三轉翰林待詔供奉并諸色直見任及前資并員外試官三品已上賜爵一級四品已下各加一階無官者賜勲兩轉祠薦展儀掌贊供事恪勤無怠甄獎宜申郊廟行事齋郎減兩年勞至室長掌座禮生贊者便放出身崇玄館行事學生及齋郎禮生番考已滿所司緣大禮却遣入行事各減一選國子監學生陪位者賜勲一轉中書門下專知儀制官各特加一階應緣祇供作官直司長上諸州行綱考典兩縣耆壽諸色番役當上在城并量留十二月番者各賜勲兩轉飛龍閑廐宮苑引掌扇內園惣監裁接少府將作內中尚武德軍器內外弓箭庫等諸司諸使下白身及無品直司定額長上雜匠巧兒黃衣長上監門直長雜仗三衛七色引駕細行執扇手角手弩手曠騎武士天文觀生漏生典鼓典鍾工人樂人主衣主膳主酪典食胡食手宰手掌閑幕士御士醫士獸醫門僕藥僮御書手楷書手典書外行署等各賜勲一轉耆老加惠著在前經節義所襲用明古道天下百姓年九十已上委所在長吏以留州物量加存恤孝子順孫義夫節婦旌表門閭終身勿事先已旌表者亦量加優恤公卿視秩靈瑞降祥生植所資導利庶物五嶽四瀆宜委本州府長吏備禮獻祭助宣和氣福我黎人將達精誠在嚴



祀事名山太川及自古聖帝明王忠臣烈士各令所在以禮致祭亡命山澤挾藏軍器百日不首復罪如初赦書有所不該者所司具條例聞奏敢以赦前事相言告者以其罪罪之赦書日行五百里布告天下咸使聞知主者施行

七月十九日校四五十四字

文苑英華卷第四百二十九

文苑英華卷第四百三十

翰林制詔十一

赦書十一

禋祀赦書七

大中元年正月十七日赦文

編制

門下執大象者導陰陽之和帝率土者茂生植之化粵自軒昊暨于唐虞側身皇階虛已大位詔令作寶懸金鑑詔令作握金鏡

之朗耀致玉燭之融明惠中國以綏四方欽上玄而育兆庶所謂至德勞深企懷朕荷先聖之眷求詔令作命奉祖宗之

成憲獲撫萬國統和三靈兢嚴丕構惕勵神器賓賴吳穹嘉饗一作神祇降休蠻夷戎狄之聿來鳥獸草木之咸若

實真宰潛運玄功啓光麥禾豐登兵革偃息物不疵癘人

無天亡一作昏發揚風氣敷佑寡昧夙夜祗戴訂謀經紀尚

懼德教之未宣黎元之未泰謂令害政朋邪之敗

風未念困窮思臻富庶每與赤子之歎不知黃屋之尊爰

因首正克舉彝典告受命之纂緒展嚴配之盛儀柴燎升

聞馨香殷荐羣祀昭答百神來享精誠既遠遠感慶良深是

用肆青恤刑改元建號利時者不廢使人者必行俾覃在

宥之恩以順發生之氣與之更始咸使維新可大赦天下

改會昌七年為大中元年自大中元年正月十七日昧爽

已前大辟罪已下罪無輕重已發覺未發覺已結正未結

正繫囚見徒常赦所不原者咸赦除之唯犯十惡五逆已

上及故殺人並不在免限官典犯入已賊兼情涉巨蠹及

持仗行劫縱不殺人並不在免限左降官量移近處已

經量移者更與量移如已至刺史者準刺史月限例處分諸

色官未復資者有司條疏疏聞奏如復資者五品已上中書

門下速與處分六品已上依常調選丁憂去任服闋日亦

與量移如有親故在上都任所司陳狀便與處分不必更

待本州府申請從九月二十二日降郊禮勅後流貶及引

次妄稱冤人等并重推覆囚徒並不在此例別用勅責授

降資正員官及曾因痕累停免未經引用者並與進改流

人及降死從流者與移近地如有收叙者量才錄用并僧

尼道士移隸者亦與放還其情狀難容者更不在量移及

放還之限流貶人如已亡歿家口欲還及頂歸葬者聽隨

放還之限流貶人如已亡歿家口欲還及頂歸葬者聽隨

所便如緣塋事幼弱饑窮不能自濟者委所在長吏量給棺槨優恤發遣左降官流人先有官者如已亡歿各還本官亡官失爵痕累禁錮者並從洗滌諸色流貶人元勅內云雖逢恩赦不在量移限者自去年五月五日赦文後已經量移者五千里外更與量移千里三千里外者更與量移五百里情狀難容者不在此限常叅官及諸色刺史先停替及以病解免并終制未授官者委中書門下量才進擬勿令稽滯國家與吐蕃舅甥之好彼此無虞自今後邊上不得授納投降人并擒捉生口誓著山河勲銘鼎彝恩延後裔義在勸人故尚父汾陽王贈太師晟太尉秀實司徒顏杲卿贈太師顏真卿許遠張巡南霽雲子孫中未經

甄獎者每家與一人正員官元和以來河朔節制以土地朝者各與其家一子正員官迴鶻殘寇尚慮窺邊諸道防秋固是常例如有別有徵發又未放還念其辛勤湏議存恤應緣迴鶻別徵集防戍人等宜令中書門下節級量事賜物仍即具數聞奏歎沴頗甚已議賑恤免免流亡自今已後所在時雨稍憊有傷農畝即仰長吏當時聞奏如步

隱蔽必節級處分古者即官出為邑宰公卿外領郡符所以重親人之官急為政之才舊唐書自澆風興扇此道稍

消頡頑清途便至顯貴理人之術未嘗經心欲使救百姓之艱危通天下之利病不可得也朕為政之始思厚時唐書儒風軒墀近臣蓋備顧問如不周疾苦何以膺朕訪唐書

求自今已後諫議大夫給事中中書舍人未曾任刺史縣令及縱曾任有敗累者並不在進擬限守宰親人職當撫字三載考績著任在格極言貞元元和頗有詔縣令五考方得

改移近者因循都不遵守雖諸州縣令或得三考兩府畿

內亦罕及二年以此字人望其成化唐書作若轉書案牘

寧免姦欺道路有迎送之勞鄉里無蘇息之望自今已後

刺史縣令除授後一例須滿三十六個月方得替換其責

授遷擢即不在此限其受替後量其在任課效作三等聞

奏其在第一等委中書門下及吏曹優與處分第二等依

資改轉第三等量加降黜其受替後委刺史錄事參軍比

驗等第申觀察使與觀察判官勘驗詣實申奏後因事者

如有不如所奏觀察判官刺史錄事參軍據人節級懲罰

觀察使奏聽進旨其刺史委觀察使判官具考課聞奏雖

去任已久但因事發露合懲合獎並準元勅處分其合按

擢貶黜者則不拘此限長吏舉荐縣令錄事參軍雖有近

勅如涉請托是啓倖門其諸州府縣令錄事參軍吏部所

注之官雖與替亦須具所替人罪犯及不勝任事狀聞奏

所舉之人須前任曾有殊考不然課績尤異分明有據者

方得論請此外中書門下不得與進擬河東振武易定京

西北等道官吏科錢過聞寡薄省司注擬罔不固辭承乏

之由其新收闕官料錢戶部不收用管便令本府少尹與

司錄參軍勾當并舊給課料數額添給見錢在官無少尹

即仰觀察判官與錄事參軍同勾當使司輒不敢妄有借  
貸支用如違本州官量加貶責長吏別議處分仍委所在  
鹽鐵度支院判官叅訪中書門下如違院官準本州官例  
處分諸色入仕近者轉多內外官員無不填塞蓋因州府  
論請多用虛銜軍師奏功或未撫實自今已後無正官及  
無出身者並不在奏州府縣官限縱有出身亦須去避稍  
近方得奏請諸軍將非有殊功者不在奏無州縣官限素  
非吏部注擬之處即不在此限仍委中書門下準此處分  
京畿之內荆南數州或頻歲辛勤或遭罹歉沴須免租賦  
以慰疲人京兆府今年夏青苗錢及元和十五年已後至  
會昌三年終已前應有諸縣欠日掌開並宜放免荆南管

內應遭旱損農戶赦書下後新年夏隨地稅錢宜並放免  
塞上置兵本防戎虜苦寒之地尤要撫綏如聞軍中小有  
所須舊例不無科率或有逋欠必載簿書給衣散糧之時  
尅拆畧盡永言此弊積有歲年爰因慶澤須使蠲改自今  
已後邊上兵士除本分差役外輒不得妄有科配春冬給  
衣及每月糧米並須當時分付如依前尅拆本判官本將  
並重加貶責長吏別議處分仍從前應有此色欠負不問  
多少更不得科校徵索所在鹽鐵度支院切加訪察申中  
書門下如違院官與判官同議貶責權酷之利諸道權宜  
如聞所設科條過有嚴酷一分抵罪連坐數家或没人資  
財或身處極法里閭之內遂至無聊豈有疲人堪此陷窞

宜令中書門下商量停罷續作條疏聞奏州府折寺瓦木  
 堆積多時風雨所侵朽蠹將盡所在出賣雖有勅文百姓  
 畏懼嚴刑莫敢投狀巡檢防護豈免勞人自今已後百姓  
 要買者任二年續徵納價錢州縣輒不得暴有校科私茶  
 鹽雖要止絕法或連坐則害平人自今已後但科犯茶鹽  
 要人罪其買茶糴鹽及經過食宿之處並不要勘問差役  
 不時妨農為甚古者用人之力歲不過三日蓋為此也如  
 聞所在修築動踰數月事非甚切所妨即多自今已後所  
 在州縣如要脩理者任和催諸色人役使仍須據時價給  
 錢了方今就使農戶輒不得追擾過忙時五月六月九月  
 事非切時屋宇城壘不在修築限如違官吏並節級貶責  
 仍令御史臺及所在度支鹽鐵院檢舉申中書門下知涉  
 隱蔽本御史及本院官並準前處君以人為國人以食為  
 天有國有家捨此無急如聞州府之內皆有閑空地長蒿  
 菜無人墾闢與其虛棄曷若濟人宜令所在長吏設法召  
 募貧人課勵耕種所收苗子以備水旱及當處軍糧其初  
 建置或鎮小力微不辨營備任量常平義倉粟充糧食種  
 子及耕農仍具各任本道自詳軍便條疏處分訖申奏每  
 年所收營田苗子除給耕種人牛量事填補所借常平義  
 倉收物所與野無荒田灾有儲備觀察使刺史起營田貳  
 年已後據見穀為殿最泉重貨輕當今最甚昨庶捐瘞莫  
 不由斯輸納租征須從利便應天下百姓所出土貨幸是

官中每年收市之物即所在州府具色目先下文帖指揮  
令據官中收市價輸納不得一一徵納見錢切不得令所  
由妄納耗剩如違本判官錄事叅軍重加貶責鹽鐵度支  
院官不加檢舉亦準此處分諸道藩友牙門將校不獨資  
以武畧亦在按其幹能近門下商量停罷續作條疏聞奏  
近年隨使人多冗食要職傾奪占位勲舊無依慮不均平  
例有停解如聞或有自遠招收或因其投募人材武藝要  
籍轅門或因類能擢處右職軍中已著勞績選衆又合甄  
昇一例勒停實垂至當其應隨使軍將及驍勇官健等有  
超軼輩流者並許待使到後選驗處分設法施禁固在長  
人訪姦去邪尤繫胥吏若紀綱不漏上下相同雖損益懸

殊功利百倍度支戶部鹽鐵三司吏人皆主錢穀去留之  
際切在類能若一槩即以年勞衆職從何條舉必資獎誘  
明示勸懲其中如有才用智識昭然獨見自期展効建立  
事功或剔抉疵瑕或糾正案牘發明已往之咎條理將來  
之規宜委本司便與奏論特有遷授仍與勾當依前本司  
驅使如守職多年無事可稱但循默自容者一例準舊年  
限勒赴選不得妄許一作事故留在本司其案牘中或有  
過犯並不用追理貴許自新以示弘貸磐石維城本枝祚  
慶親賢之義寵渥宜申文武庶官中外執事皆肅恭職任  
祗奉郊禋禋台推恩同沾霈澤亞獻福王綰終獻撫王統  
等各賜物百疋夾侍正木進珪捧珪各賜物五十疋亞獻

正衣各賜物四十疋內外文武見任及致仕官三品已上  
 賜爵一級四品已下加一階合入三品及五品欠考未叙  
 者考足日聽叙魯聖儒風虞賓前典必須展敬父叶國章  
 文宣王之後及二王三恪各與一子官其祠廟委所司量  
 加修飾孝惟資愛禮著事親屬當布澤之辰用覃睦族之  
 慶太皇太后二等已上親皇三等已上親委中書門下合  
 擇有才行者量與改官無官者與出身皇五等已上親三  
 品已上賜爵一級五品已上加一階六品以下及前資常  
 選散官簡選日優與勳分未有出身陪位者準會昌五年  
 五月三日赦文勳分應陪位皇五等已上親及太皇太后  
 皇太后三等已上親三品已上賜爵一級四品已下加一

階諸親四等五等并諸色人陪位官五品已上加一階六  
 品已上及白身並賜勳兩轉其前資及有出身各減一選  
 孝弟之道王教攸先哀慶之禮人倫所重常參官及諸州  
 府長官父母見存未有官封者並量與五品致仕官及階  
 并邑號如有官者量與進改如官已至五品已上即與五  
 品階父母亡歿未經追贈者量與追贈官及邑號義深心  
 膺寄重蕃垣俾命追崇延恩存歿用酬勳效豈恡寵私中  
 書門下及節度使帶平章事宜與一子正員八品官祖父  
 母先亡歿各與追贈已經追贈者更與改贈節度使各與  
 一子正員九品官東都守度支鹽鐵觀察使置都團練都  
 防禦經畧招討使及神策金吾六軍將軍大將軍上將軍



統軍威遠營鎮國軍等使皇城留守各與一子出身父母  
 先亡歿未經追贈者各與追贈禮儀使京兆尹各與一子  
 正員九品官昭宣典冊寅奉郊禋宜普恩光以答公幹本應  
 郊廟升壇升殿行事官普恩之外中書門下尚書省御史  
 臺三品已上特加一階四品已下各賜一階如合入三品  
 者量減三考入五品者減兩考仍待考足日聽叙其合選  
 人與減一選內行事官三品已上賜爵一級四品已下加  
 一階內侍省及內坊官四品已上各賜勳五轉五品已下  
 各賜勳三轉應從駕上郊廟者普恩之外三品已上各賜  
 爵一級四品已下各加一階白身賜勳兩轉禁營兵仗列  
 衛瓜牙言念勤勞宜頒慶賽神策六軍威遠營左右金吾

及皇城將士應緣大禮移仗宿衛御樓立仗等普恩之外  
 三品已上賜爵一級四品已下各加一階仍準舊例賜物  
 有差其神策將士應在京畿內諸縣者亦各有賜物應緣  
 大禮職掌行事官并修撰儀注及番守副番守守倉庫卿  
 等普恩之外三品已上賜爵一級四品已下各加一階琛  
 賚來朝梯航入貢藩方陳奏職業無虧或禁署策名或官  
 司効用俾同霑渥各不加恩鴻臚禮賓院應在城內蕃客  
 等各有賜物諸道知上都進奏院官在城者各賜勳三轉  
 應緣大禮四方進表疏及賀正官各賜勳三轉翰林待詔  
 供奉并諸色直見任及前資并員外試官三品已上賜爵  
 一級四品已下各加一階無官者賜勳兩轉掌替禮儀祗

奉郊廟理宜優獎用洽恩華郊廟行事齋即減二年勞室  
長掌座禮生替者減一年勞無勞可減者便放出身崇文  
館行事學生及齋即禮生番考已滿所司緣大禮却遣入  
行事各減一選國子監學生陪位者賜勳一轉中書門下  
專知儀制官吏各特加一階應緣祗奉供作官直司長上  
諸州行綱考典兩縣耆壽諸色番役當上在城并量留十  
二月番者各賜勳兩轉飛龍閑廐宮苑典引掌扇內園掌  
總監裁接少府將作內作中尚武德軍內外弓箭庫等諸  
司使下白身及無品直司定額長上雜匠巧兒黃衣上監  
門直長雜伏三衛七色引駕細引執扇角手弩手曠騎武  
士天文觀生漏生典鼓典鍾工人樂人主衣主膳主酪典

食胡食手宰手閑募士御士醫士獸醫門僕藥僮御書手  
楷書手流外行署等各賜勳兩轉立劾之在敦於耆老  
勸俗之道莫先於節義天下百姓九十已上各賜絹三疋  
八十已上各賜絹兩疋仍委長吏賫帛就家宣賜孝子順  
孫義夫節婦旌表門閭終身勿事先已旌表者量加優恤  
嶽瀆孕靈公侯列位助宣景化利及含生宜委本州長  
吏備禮致祭皇王應期賢哲濟代式遵令德用達明誠名  
山大川及自古聖帝明王忠臣烈士各令所在以禮致祭  
自會昌元年後赦文及諸色條疏有不便於人者委有司  
及外州府長吏條疏聞奏亡命山澤挾藏軍器百日不首  
復罪如初赦書有不該者所司具條疏聞奏敢以赦前事

相告言者以其罪罪之赦書日行五百里布告天下咸使聞知主者施行

七月二十日校正四十九字

近以人事紛集偶輟丹鉛此十卷至十日乃畢可歎也

文苑英華卷第四百三十

終